



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五九三

斯未信齋文編二十六卷（奏疏二卷官牘七卷軍書四卷

藝文四卷語錄三卷雜錄六卷） 徐宗幹 撰

一

斯未信齋詩錄十六卷 徐宗幹 撰

三八五

三千藏印齋詩鈔八卷 沈 淮 撰

五八三

斯末信齋 文編

侯官林秉淳

謹題



臺灣孤懸海外任重事煩其難其慎道員領准奏
事位卑而言高尤深揣揣曩由守西川

先帝垂訓不矜細行終累大德惟日孜孜實心實力不可
懈怠欽此近年奏摺內恭奉

硃諭海疆重地尤爲緊要不可見小而忘大勉之慎之
一切機宜應隨時酌量辦理不可拘泥欽此謹凜服
膺冀免隕越兢兢六載有餘衝冒風濤時患賏眩
海洋遙阻俟增劇陳請恐誤巡防循前賢有疾便
辭之訓上書乞休四次未許及軍務既興一息尙
存不敢求退然變亂疊生當內地多事之秋應援

斯末信齋文編

序

二

不及未可僅持城存與存之見而不爲遠慮臺鳳
兩縣令先後被戕與鎮軍聯銜請

旨議處例應視職地方兵民漸至呼應不靈是以於軍

中草函密請遴員瓜代迹似巧避遽挂彈章仰荷

聖明僅予鐫級迨勦平以後甫經奏報鳴瑪蘭廳又有

戕官之變鳳山途次單銜具疏請罪欽奉

諭旨飭查仍

簡任臬事聞

命自天棟樑無地全臺軍務告竣蘭逆伏誅始挂帆內

渡竊思臬司總理刑名責任綦重然遇事可商推

院司非比遠隔重洋獨當一面久離海瘴舊疾漸
瘳尙可罷勉從事不敢自外

生成唯大府遵

旨查察在前先期奏覆復奉

命撤任抵省後于役漳泉興仙四月有餘地方裁定稍
息仔肩館舍閒居檢書課子行篋中有奏稿六卷
多在官時廢寢忘餐而爲之者是皆一縷心血之
所存也爰選錄如干篇藏於家如以提入

告之謨猷則吾豈敢咸豐乙卯春分日宗幹自序

斯未信齋文編

序

斯未信齋全集

文編一 奏疏二卷

奏疏目錄

到任謝 恩摺

加銜謝 恩摺

勘辦嘉義縣逆案摺

續辦鳳山縣闖案摺

淡蘭兩廳水災捐賑摺

嘉彭兩縣震災捐賑摺

拏辦洋盜摺

斯未信齋文編 卷一 目錄

獲盜出力人員摺

審辦兵丁因姦謀命摺

拏辦陸盜摺

拏辦淡廳洋盜摺

捐賑紳民請優獎摺

澎湖廳風災摺

澎湖賑務摺

查辦造謠分類案摺

委勘礮山摺

拏辦洋匪摺

勦辦臺嘉兩縣逆案摺

捐備軍需摺

議叙謝 恩摺

澎廳接濟災民摺

拏辦分類案出力人員摺

勦辦逆匪出力人員摺

哨船遭風摺

渴海鄉試生員請卹摺

賞戴花翎謝 恩摺

勦辦艇匪摺

斯未信齋文編 卷一 目錄

勦辦艇匪出力人員摺

議敘謝 恩摺

拏辦陸盜摺

軍務摺一

殉難官員摺

軍務摺二

軍務摺三

軍務摺四

摧撥軍餉摺

軍務摺五

三

軍務摺六

審辦逆犯摺

請罪摺

軍務摺七

投効人員摺

啟征糧賦摺

勦辦艇匪人員請獎摺

運本捐輸請獎摺

逆案捐輸出力人員請獎摺

渴海生員查覆請卹摺

斯未信齋文編 卷二 目錄

請廣額摺

請鑄鐵錢摺

升補臬司謝 恩摺

三

斯未信齋文編卷一

南通州 徐宗幹

謝人

奏疏

道光二十八年到任謝 恩摺

奏為遵

旨赴任叩謝

天恩事竊臣於道光二十七年六月在江蘇通州本籍

呈報服滿九月由江蘇撫臣給咨赴部行至清江

途次恭閱邸鈔是月十六日奉

上諭福建臺灣道熊一本著撤回內地留於該省遇有

斯未信齋文編卷一

相當道員缺出酌量奏補所遺員缺著徐宗幹補

授熊一本仍俟新任道員到任交卸回省欽此跪

讀之下感激難名當經折回蘇省聽候部文旋由

江蘇撫臣行知接准吏部咨開文憑一道封發該

撫給該員令其赴任等因臣遵卽領憑由蘇省赴

閩沿途風水沮滯於本年二月十三日至福州省

城繳憑隨往蚶江配船候風四月初五日東渡次

日因風駛至嘉義縣界海口停泊俟風息收港登

岸十八日行抵府城前任道熊一本將臺灣道

同學政關防二顆並

聖旨

諭等件委員齎送前來臣卽於是日恭設香案望

闕叩頭謝

恩祇領任事訖伏念臣江左下士知識毫無由嘉慶二

十五年庚辰科進士以知縣卽用籤掣山東補武

城縣知縣調泰安縣知縣游陞濟甯直隸州知州

二十二年保舉引

見補授四川調補成都府遺缺保甯府知府復蒙

恩陞任福建汀漳龍道二十五年三月十四日聞訃丁

母憂回籍涓埃未報兢惕方深茲服闋赴部中途

斯未信齋文編卷一

仰荷

恩施逾格畀以海疆重任倍切悚惶伏查臺灣孤懸海

外閩粵族類交錯兵民良莠不齊緩戢巡防在在

均關緊要臣惟有勉竭愚忱於一切應辦事宜稟

承督撫臣指示會同鎮臣和衷共濟督率所屬實

心實力不敢懈怠以冀仰報

高厚鴻慈於萬一臣入境沿途察看雨水調勻禾苗瓦

茂訪查各處糧價平減民番均爲安謐堪以上慰

聖懷所有到任日期並感激下忱理合恭摺具

奏叩謝

天恩伏乞

皇上聖鑒謹奏

斯未信齋文編 卷一

三

道光二十八年加銜謝 恩摺

奏為恭謝

天恩仰祈

聖鑒事竊臣於本年七月十一日接奉督撫臣行知知道

光二十八年三月十七日內閣奉

上諭福建臺灣道徐宗幹著照例加按察使銜欽此當

即恭設香案望

闕叩頭謝

恩訖伏念臣顛愚下士梲櫟庸材前以服闋赴部途次

即仰蒙

斯未信齋文編 卷一

四

皇上天恩畀以海疆重任消埃未報兢惕方深茲復欽

承

寵命

賞加司銜感

恩施之優渥實惶悚以難名臣惟有勉竭愚忱於地方

一切應辦事宜督率所屬整飭清釐實心實力不

敢懈怠務求兵民輯睦海宇乂安冀仰報

高厚生成於萬一所有微臣感激下忱理合恭摺具

奏叩謝

天恩伏乞

皇上聖鑒謹奏

道光二十八年會奏勘辦嘉義縣逆案附摺

再查近年臺地查辦匪徒滋事案內出力文武官

員及兵勇義首人等前鎮道臣遵奉

諭旨獎勵並詳請督撫臣核定保

奏仰荷

聖恩垂念海外嚴疆

溫綸普沛是以偶有蠢動無不勇往爭先得以立時撲

滅不至蔓延爲害是地方之乂安悉田

天恩之高厚也此案在事文武大小員弁人等據前鎮

臣武攀鳳前道臣熊一本將出力人員分別開單

斯末信齋文編

卷一

六

同全案卷宗移交前來臣呂恒安甫經到任臣徐

宗幹亦事後到臺容臣等確查詳明督撫臣復核

奏請

恩施以昭激勸謹附片陳明伏乞

聖鑒謹奏

道光二十八年會奏續辦鳳山縣案附摺

再續辦閩粵分類械鬪於搶餘匪在事人員內有
卽係前案捐費出力之人謹於清單內併案聲請
署鳳山縣候補知縣丁曰健係道光二十七年九
月間接任視事未及三月於在逃匪犯甫經糾集
卽訪明會營堵拏不至勾結蔓延爲害首先擒獲
斬梟要犯陳興陳山前陳加禮婆曾遇及斬犯楊
敵等又督帶兵勇駐札該處懸賞購獲首犯林味
卽林漏洩陳頭弁遣徒夥犯多名又捐辦兵勇口
糧制錢七千餘千可否俟補缺後以同知直隸州
斯未信齋文編 卷一 七

卽補先換頂戴所有續獲前案在逃焚搶殺人要
犯陳貓鉗羅烏木耳二名係丁曰健未到任以前
兼理鳳山縣署臺防同知候補知縣郭兆榮任內
會營訪獲究出各逸犯踪跡該員卽縣事後復督
率屯弁壯勇協同堵緝拏獲要犯多名又南路營
叅將安定邦亦任事未久聞信卽帶兵會拏殲擒
重犯陳大鼻許學黃灋及夥犯陳帽等多名可否
均請

旨交部從優議叙南路營把總劉國標於各犯拒捕與
兵役格鬪之時奮勇爭先立時撲滅復酌帶精兵

於各要隘堵截逸犯不至遠颺協獲首犯林味等
又首先擒獲從犯王貓布黃知林石頭吳箝林寶
蔡友韓騰七名可否

賞給五品頂戴該員等係欽奉

諭旨以後續辦餘匪出力未敢併列清單謹附片陳明
籲請

恩施俾文武各員弁咸知激勸又前次被傷身故之効
用陳明魁在事病故之典史屠本受傷之隊目邱
仕禮已蒙

恩旨准卹此次追捕匪犯致被拒傷之役勇人等業經
斯未信齋文編 卷一 八

前鎮臣等酌加恤賞其因傷身故之壯勇黃金順
一名合無併懇

勅部議卹海外巖疆除暴弭亂固藉兵威而鄉村丁壯
有勇知方宜仰體

聖主枯官靡遺微勞必錄以資觀感再前鎮臣等
奏明墊用兵勇口糧等項容前道臣由外籌補在案

臣徐宗幹接准移交該府縣冊報用銀二萬八千
九百四十兩洋銀八千五百二十圓同續辦餘匪
經費已捐輸歸款邀免造報合併附陳伏乞

聖鑒謹奏

道光二十八年會奏淡水噶瑪蘭兩廳水災捐賑摺

奏爲臺灣淡水廳北境及附近噶瑪蘭地方被水業經捐辦賑卹完竣地方安輯如常恭摺具

奏仰祈

聖鑒事竊照本年九月二十九日接據署淡水同知黃開基稟報本月初十日颶風復作大雨滂沱至十四日稍息先後據大加蚋芝蘭三貂石定等四保鄉長報稱同時被水倒塌民房淹斃人口甚多蓋穀米草蓐悉被漂流橋道塘汎亦多冲塌當經親往

斯未信齋文編

卷一

九

查勘緣狂風暴雨三日未止山水泛溢北境近山各村莊均多被患捐備番銀一千圓米五百石帶同誠實紳士分投繞道至各處撈埋尸具周濟難民一面疏通積水修整道路挨查勘辦該廳殷富較多均願捐助等情又據署噶瑪蘭通判楊承澤稟報九月十一至十三日大雨如注溪流湧漲加以內山發水宣洩不及近溪田園廬墓間有冲坍人口亦有淹斃當即馳往履勘除有力之家自行修葺殮埋外無力之戶計被水壓倒瓦草房屋一百零五間淹斃壓傷大小男婦三十四名口悉經

斯未信齋文編

卷一

十

捐廉撫卹水冲棺柩亦給資撈埋地多高阜積水漸已疏消晚禾雜糧尙無傷損等情並據署臺灣府知府史密稟同前山_臣等查噶瑪蘭在淡水廳上游被水稍輕雖經該署通判稟明捐資辦理究竟被水戶口有無失所是否不至成災而淡水北境情形尤重由_臣徐宗幹飛檄委令附近之署鹿港同知胡國榮先行往勘一面具報督撫_臣仍飭署知府史密親往督辦并調派頭圍縣丞王需署羅東巡檢鄭元杰候補縣丞沈時熙候補從九張紹裘等會同各該廳覆勘去後於十二月二十八日據該署府並各委員稟覆噶瑪蘭廳早經捐資酌量撫卹所有被水之區均已消退晚收無礙民情安帖惟淡水之大加蚋芝蘭三貂石定四保在該廳北境大小一百餘莊均係負山面海當風雨交作之時內山發水悉從三貂嶺建瓴而下溪澗宣洩不及加以海潮湧溢頂剝之間平地水深數尺被淹民居六千餘戶田園間有冲損橋道悉已坍塌難民棲身無所餬口無資實堪憫惻該處向稱沃饒益藏米穀甚富一旦漂沒無踪尙有晚禾未及收割之處雖地有高下水勢未久卽退而收

成究未免歉薄須於例給埋資修費而外酌卹兩個月口糧臺屬地氣和煖瞬息冬盡春初收穫難掇民力可不致拮据現在該廳於前捐番銀米石外再行籌款墊應仍與軀軀營蔡將蘇斐然署軀卹縣承劉榛捐助錢米爲倡附近未被水村莊及城廂殷實紳商悉皆樂於捐輸現已捐集番銀一萬一千餘圓米八千餘石陸續運交除有力二千一百六十七戶開除不願領卹外實應撫卹被水難民四千五百零五戶計男婦大口二萬五千六百二十六小口八千六百四十二刊刷卹單填註

續撈二百二十七具每具給埋葬番銀一元四角共番銀三百一十七圓八角幼丁屍身五十五具每具給埋葬番銀七角共番銀三十八元五角其查無下落屍身二百餘丁口飭傳家屬酌加撫卹坍塌橋道估需工料番銀四百七十六元七角三辦三尖合錢番二項約折銀九千餘兩又米八千餘石請俟事竣核明另行詳請

奏獎會稟前來該署府以欸項已經籌措章程亦復議定先行馳回郡城所有撫卹事宜由該同知黃開基同各委員等妥爲辦理等復查該廳此次被水處所雖毘連四保尙不及一隅中之一隅勘不成災第此數十里間居民猝遭水患流亡相繼若不妥爲撫綏時值冬令海外流民四散在在堪虞應如該府廳等所議於照例給埋葬銀兩塋房修費等項外再量給兩月口糧竊思經費有常無非爲保民而設本應仰體

聖主痾瘝在抱卽循例請項辦理而海外紳民漸被皇仁情殷任卹救災恤難出於至誠集少成多近而且速自當准其所請祇在責成地方官實心經理俾無遺漏嗣據該廳稟報撫卹一切皆由公正紳民

經手在事之人卽捐資之人而以本境之富民濟本境之貧民鄰里鄉黨彼此周知不至稍有虛冒現已辦理全完田園冲塌之處業經漸次墾復橋梁道路窮民藉此工作亦已次第修竣地方均極安堵所有捐輸姓名清冊容俟查造另行詳請獎叙等由惟時該署府復往彰化正在勘辦震災未及赴該廳覆查由_臣徐宗幹檄委候補同知朱材哲前往各莊密加訪察委係實捐實用並無浮冒遺漏該署同知黃開基熟識地方情形民情愛戴報災以後不避風雨周歷拊循兩月有餘倡率捐輸辦理殷實小民具有天良易資觀感是以捐項早集實惠均沾并據繳送各捐戶並無抑勒甘結前來_臣等覆核無異除俟飭催捐冊到日連同現辦彰化等縣震災撫卹捐輸截數後彙同具奏可否援現行常例及豫工二卯事例請獎出自

新永信稿文編

卷一

十一

皇上天恩所有淡水廳北境被水業經查卹完竣并噶瑪蘭廳俱勘不成災地方安輯緣由謹合詞恭摺會

奏再撫卹係官民捐辦請免造報合併陳明伏乞

皇上聖鑒謹奏

道光二十八年會奏嘉義彰化等縣震災捐賑摺奏爲臺屬地震嘉義彰化等縣倒塌官民房屋壓斃人口分別查勘撥項撫卹籌議捐輸歸補謹將大概情形先行恭摺具

奏仰祈

聖鑒事竊照臺郡孤懸海中地氣鬆浮間有震動習以爲常不甚驚異本年各屬交冬以來暘雨應時地方安帖惟淡水廳北境於九月間山溪水漲附近村莊被淹業經捐資賑卹完竣另摺具

奏嗣十一月初八日辰刻郡城地震由南而北較往

新永信稿文編

卷一

古

年爲重飭據署臺灣縣知縣劉功澍查報城鄉尙無損壞房屋鳳山在郡南適_臣呂恒安在該縣校場閱兵目擊震動亦輕嘉義彰化兩縣在北自必同時並震隨經飭查去後據嘉義縣知縣王廷幹稟報該縣迤北一帶與彰化連界地方被震漸重間有坍塌房屋傷斃人口之處據署彰化縣知縣丁廷琛稟報是日辰刻縣境大震廳縣及同城各衙署并城廂內外民房大半傾圮該縣壓斃家丁二名城垣學宮倉廩暨各廟宇並皆倒塌監獄壓斃人犯六名其餘逸出仍自投回居民因房屋坍

壞傷斃甚多並據聚鹿港廳同知胡國榮稟報相
同又據署北路協副將呂大陞報稱壓斃兵丁十
一名署鹿港水師左營遊擊王國忠報稱壓斃兵
丁二名該副將等衙署及兵房庫局並砲臺演武
廳悉成平地又據署彰化縣南投縣丞冉正品署
貓霧揀巡檢胡鈞先後稟報分轄地方官署民房
俱各坍塌等情伏查各屬同時地震惟彰化一邑
極重壓斃多人受傷更不計其數生者妻孥暴露
死者瓦礫深埋亟須先給修費暫蔽風雨醫藥之
資殮埋之費亦皆刻不可緩當即飛報督撫_臣一
面飭署臺灣府淡水同知史密備帶番銀一萬元
前往查驗卽速酌加撫卹復委因公在郡之緹卿
縣丞馬慶釗貓霧揀巡檢張傳敬留臺差委之候
補府經歷縣丞唐均候補縣丞陳思布隨同前往
分投查辦臺地交冬以來往往匪徒生事彰邑爲
臺屬居中扼要之地猝遇此災城垣兵房均已坍
塌而民間有力者既無牆屋可資禦防無力者更
因窮困易於煽惑_臣等會商加派文武員弁於南
北各路實力巡防并飭該署府委爲撫循沿途察
訪如有匪徒乘間滋事立卽會同署北路協副將

呂大陞督飭縣營嚴拏懲辦_臣徐宗幹擬親往查
巡因該署府既已公出_臣呂恒安南路闊伍未回
未便同離郡城至十二月十二日接據該府稟稱
臺灣附郭至嘉義南境以至縣城民居尙無倒塌
城內居民房舍間有頽塌自縣城以北厯笨港塗
庫他里霧斗六數十_里坍塌房屋者數百戶壓
斃人丁十餘口當飭該縣先行驗埋就近委令署
斗六縣丞姚鴻笨港縣丞管裕疇分段挨戶挨查
撫卹迨至彰化縣界沿途鄉民扶老携幼環聚號
泣僉稱此次地震震害往時始則高下顛簸繼復
東西撼搖頃刻房屋倒塌走避不及致被壓斃眾
多田園亦間有震裂情形極爲慘惻行抵縣城街
道盡堆泥礫城垣垛牆傾圮殆盡文武衙署監倉
兵房庫局砲臺演武廳並學宮祠廟以及店舖民
房倒塌十之六七餘俱傾側欹斜或僅存間架男
婦壓斃二百餘丁口有力者業經認明收殮已斃
監犯六名據該縣驗埋餘仍投歸由縣營撫撥兵
役看管城內無公所可住與印委各員借用營中
行軍帳房在空地支蓋棲止辦公查據各路委員
復稱彰化通縣十三保地方震動過半大肚上中

斯未信齋文編

卷一

七

下保大武郡東西保燕霧上下保南北投保鹿港馬芝遴保半線保爲最重東西螺保揀東西保羅保二林深耕海豐布與等保次之壓斃約千餘丁口受傷身死者不知凡幾自初九日以後時復搖動民房初坍續坍無數瓦房多於草房除有力之戶不願具報外其無力貧民應請照例給卹隨督縣遍歷鄉村詳查各災戶先造草冊散給聯票執照填註戶口分別瓦草房間核給修費或另助理葬或酌賞醫資悉由府籌款墊應附近殷實紳商皆情願捐貲協濟俟查辦完竣再行續報日來大局安靜田園早已收穫糧價尙平民食不至匱乏無用再議接濟至衙署以及各項工程容俟擇其最要者次第籌議核辦等因^三等伏查道光十九年二十五年嘉彰地震均經捐辦撫卹兩次皆由督撫^臣委員解銀五千兩來臺察看辦理未經動用然未有如此之受災甚重海外浮動之區各災民拯救稍遲尤易流離失所未便俟勘報定數湏先行寬爲籌備省城遠隔重洋不比往年震動在春夏之時配渡尙易文報一時難到伏查道光二十五年震災案內欽奉

斯未信齋文編

卷一

八

上諭於道府庫內籌款添撥該縣地勢仍時形微震人心尙未安定撫綏兼以彈壓一切總宜預防該署府業籌款接應恐需費孔多由^臣徐宗幹於道庫備儲項下先撥銀五千兩委員解往備用嚴飭該署府督同該縣暨各員實心實力認真查辦務湏均沾實惠其有力各戶隨冊註明令無力各災民本身憑票領卹不假吏胥鄉保之手仍將散放銀數及房間人口數目逐一按名榜示周知以昭核寔而免遺漏^臣等仍隨時密加訪察該署府同印委各員辦理均爲周妥其官員人等薪水等項俱係自備不於撫卹銀內動用毫釐至分派員弁各路巡防所需口糧一切悉由^臣等捐發近日漸已安堵殷實紳民目睹官員查辦殷實皆樂於解推捐輸亦俱踴躍事竣提還道庫歸補備款俟查卹全完核明捐戶姓名銀數一併奏報如有贏餘卽酌撥工程項下擇要估辦統容分別籲請同捐卹淡水廳北境水災案案併懇恩施以示獎勵一面飭^臣傷斃各兵丁及監獄壓斃人犯罪由姓名並倉廩存留米穀勘明核辦外合將查勘捐卹大概情形先行恭摺會

奏再彰化縣東北毘連淡水廳南境亦有震壞民房無多卽由署同知黃開基會同各委員就近查明酌卹又東爲噶瑪蘭廳界據報微形震動又澎湖廳遼隔海洋查據復稱同時微震民房均無損壞地方亦皆安靜如常合併陳明伏乞

皇上聖鑒謹奏

斯未信齋文編 卷一

五

道光二十九年會奏拿辦臺屬各洋盜犯附摺

再案據彰化縣稟稱上年九月二十日巡海丁役隨同水師營弁拿獲盜犯李大肚李立蔡明糖陳厚陳成林汰和陳効李水來蔡澎陳興等十名解案訊認出洋行劫不諱錄供稟報嗣該犯李大肚蔡明糖在監犯病報明撥醫治痊正在覆審解辦間十一月初八日辰刻猝遭地震縣監倒爲平地該犯等因變逸出是日酉刻俱自行投歸因查辦災賑訖解稍遲茲據該縣議擬由臺灣府知府裕鐸審轉前來等隨提犯研鞫緣李大肚籍隸漳

斯未信齋文編 卷一

三

浦縣置有漁船一隻邀同現獲之李立蔡明糖陳厚陳成林汰和陳効李水來蔡澎陳興及逸犯方四金方墻林紹雞李湯圓林花鼓陳晚一共十六人同夥採捕道光二十七年八月十五日李大肚因捕漁失利起意由僻港出洋行劫得贓分用李立等應允是月二十一日駛至雞籠外洋見有主林寬容魚脯船經過李大肚喝令駕船攔劫留陳効李水來蔡澎陳興林紹雞陳晚在本船接應自與李立等過船搜劫魚脯米袋各物遞交陳効等接收而逸經事主林寬容報明淡水廳查勘通

斯未信齋文編

卷一

三

詳二十三日該犯等將船駛入海邊因分贓不均互相口角方四金方墻林紹雞李湯圓林花鼓陳晚先行散夥登岸李大肚等仍在船上赴沿海一帶捕魚度日二十八年九月二十日李大肚船隻停泊五汊港面適安平艇紳等水師營弁督同彰化縣丁役巡哨至彼亦在該處停泊彼此閑談該弁兵等見李大肚船內有布袋一個上寫林寬記字樣知係事主林寬容贓物向前盤問李大肚等言語支吾駛船欲逃該弁兵等併力圍捕當將李大肚等十人全行拿獲由彰化縣提犯訊供通報嗣因李大肚蔡明糖在監犯病報明撥醫治痊該縣正在覆審解辦間十一月初八日辰刻嘉彰一帶猝遭地震監獄倒爲平地該犯等因變逸出仍卽自行投歸由縣府審擬解勘等覆加研訊據各供認前情不諱詰無另犯搶劫不法別案亦無知情分贓之人矢口不移贓經主認正盜無疑查例載江洋行劫大盜立斬梟示又濱海行劫過船搜贓一經得財俱擬斬立決其止接遞財物並未過船搜贓行劫亦止一次並無兇惡情狀者仍照情有可原免死發遣新疆給官兵爲奴又在監斬絞

斯未信齋文編

卷一

三

重囚及遣犯如有因變逸出自行投歸者俱照原犯罪名各減一等發落各等語此案李大肚李立蔡明糖陳厚陳成林汰和夥同在洋行劫過船搜贓按例皆罪應斬決梟示其在監因變逸出自行投歸例得照原犯斬罪上各減一等問擬滿流惟該犯等均係過船行劫洋盜若僅擬流罪設或配所防範稍疎一經潛回濱海地方難保不復出爲匪自應酌量從重問擬李大肚李立蔡明糖陳厚陳成林汰和等六犯均請照免死發遣例發新疆給官兵爲奴以示懲儆陳効李水來蔡彭陳興四犯訊止在本船接贓行劫亦止一次本屬情有可原既因變逸出自行投歸仍照例於原犯遣罪上減一等各杖一百徒三年比照閩省搶竊擬徒之例鎖繫石礮五年限滿交保嚴行管束以上各犯並照例刺字失察各牌保飭拘責懲已起贓物布袋給主認領未起各匪查明有無盜產分別追賠逸犯飭緝獲日另結除備錄供招咨部外謹附案具奏伏乞

皇上聖鑒勅部核覆遵行謹奏